

# Eystrahorn

22. tbl. 40. árgangur

Fimmtudagurinn 9. júní 2022

www.eystrahorn.is

## Örnefnaskilti við Náttúrustíginn og Ægissíðu

Sett hafa verið upp skilti við Náttúrustíginn og á Ægissíðu þar sem finna má örnefni í umhverfi Hafnar. Síðastliðið sumar hóf Menningarmiðstöðin, með hjálp Náttúrustofu Suðausturlands upplýsingasöfnun á helstu örnefnum þeirra eyja og fjalla sem sjást frá Höfn, í þeim tilgangi að koma þeim á framfæri og ekki síst til varðveislu þeirra. Í nóvember s. l. voru nöfnin skráð og afraksturinn hafður til sýnis á bókasafninu. Þar áttu bæjarbúar og aðrir kost á því að skoða skiltin og leiðrétta eða bæta inn örnefnum. Nú hefur skiltunum verið komið fyrir á þeim stað sem þeim var ætlaður og má finna þau við göngustíginn við Leiðarhöfða, Heilsugæsluna og á Ægissíðu. Þessi vegferð var fræðandi og skemmtileg fyrir starfsfólk og vel stutt af Kristjáni S. Guðnasyni fyrrverandi formanni atvinnu- og menningarmálanefndar.

Bestu þakkir færum við þeim sem að verkinu komu.

*Starfsfólk Menningarmiðstöðvarinnar.*



## Hundapálminn til Hornafjarðar

Fjórðundurinn Jökull gerði sér lítið fyrir og hlaut dómnefndarverðlaunin í keppni sem kennd er við The Palm Dog Award eða Hundapálmann á kvikmyndahátíðinni í Cannes fyrir hlutverk sitt í nýjustu mynd Hlyns Pálmasonar, Volaða land. Myndin fékk frábærar móttökur og sá Jökull til þess að aðstandendur myndarinnar færu ekki tómhentir heim. Nafn verðlaunanna er vitaskuld tilbrigði við Gullpálmann, æðstu viðkenningu hátíðarinnar og ekki þurfti að skrá Jökul sérstaklega til leiks þar sem dómnefndin horfir einfaldlega á allar myndir hátíðarmyndirnar, teiknimyndir sem leiknar, þar sem hundar koma við sögu og veitir síðan Palm Dog-verðlaunin, við hátíðlega athöfn, þeim hundi sem þykir hafa staðið sig best. Jökull er í eigu Snæsu og Frikka en þau léku einnig í myndinni ásamt því að eiga flesta hestana sem komu fram í henni.

Þetta var í 21. skipti sem Hundapálminn var veittur.

Jökull átti eðli málsins

samkvæmt ekki heimangengt þannig að Anton Máni Svansson og Katrin Pors, framleiðendur myndarinnar, veittu verðlauninum viðtöku fyrir hönd Jökuls, óvæntustu stjórnunnar í Volaða landi.

„Þau finna eins líka hunda og þau geta til að koma upp á svið með sigurmyndunum. Það var nokkuð erfitt í okkar tilfalli með okkar íslenska fjárhund“ segir Anton Máni einn af framleiðendum myndarinnar.



*Jökull í hlutverki sínu í Volaða land*



*Anton Máni Svansson og Katrin Pors, framleiðendur myndarinnar veittu verðlauninum viðtöku.*

## 17. júní í Nesjum



UMF Máni heldur árlega þjóðhátíðarskemmtun 17. júní.

Dagskrá verður með svipuðu móti og undanfarin ár, þ.e. leikir og gönguferð sem ætti að henta öllum.

Við leggjum af stað frá Mánagarði klukkan 13:00. Allir velkomnir.



*Stjórn UMF Mána*

Erasmus+

Hvað er óáþreifanlegur menningararfur og hvernig vinnum við með hann?  
Tækifæri og áskoranir við þróun framtíðarsýnar

**ÖRNÁMSKEIÐ**

**NICHE**

Nánari upplýsingar og skráning á [www.hac.is](http://www.hac.is) og [www.nyheimar.is](http://www.nyheimar.is)

**15. JÚNÍ**  
10:00 - 11:30

Þekkingarnet Þingeyinga

NÝHEIMAR  
ÞEKKINGARSETUR



Sveitarfélagið  
**HORNAFJÖRÐUR**



### Verkefnastjóri viðhalds og nýframkvæmda

Auglýst er eftir verkefnastjóra í viðhaldi og nýframkvæmdum á umhverfis- og skipulagssviði í Sveitarfélaginu Hornafirði.

Um er að ræða starf sem felur í sér stjórnun verkefna á sviðinu en einnig aðkomu að vali, þróun og innleiðingu á tæknilausnum. Verkefni snúa fyrst og fremst að kortagrunnum, veitum, gatnagerð og mælingum.

#### Helstu verkþættir

- Heldur utan um hönnun og viðhald á veitum, götum og opnum svæðum í samstarfi við bæjarverkstjóra.
- Aðkoma að átælanagerð, hönnun og útbodum
- Utanumhald um stafræna grunna sveitarfélagsins, aðgengi að þeim og birtingu.
- Uppmælingar og útsetningar vegna framkvæmda og viðhalds.
- Eftirlit með framkvæmdum á vegum sveitarfélagsins.

#### Hæfnis- og menntunarkröfur

- Verk, tækni-, byggingarfræðimenntun eða sambærilegt nám æskilegt
- Þekking á veitukerfum og rekstri þeirra er kostur
- Reynsla af verkefnastjórnun er æskileg
- Reynsla af verklegum framkvæmdum er kostur
- Reynsla af vinnu við landupplýsinga- og/eða cad-kerfi er kostur
- Framúrskarandi hæfni í mannlegum samskiptum og rík þjónustulund
- Framkvæði og sjálfstæði í vinnubrögðum er skilyrði
- Færni til að tjá sig í ræðu og riti á íslensku er æskileg
- Stundvísi, ástundun og dugnaður
- Góð tölvukunátta

#### Umsóknarfrestur er til 22. júní 2022.

Launakjör skv. kjarasamningi Sambands íslenskra sveitarfélaga og viðkomandi stéttarfélags. Um fullt starf er að ræða. Ráðið er í starfið óháð kyni.

Umsóknum skal fylgja starfsferilsskrá og kynningarbréf þar sem gerð er grein fyrir ástæðu umsóknar og hvernig viðkomandi uppfyllir hæfniskröfur starfsins. Umsóknir berist á [afgreidsla@hornafjordur.is](mailto:afgreidsla@hornafjordur.is)

Frekari upplýsingar veitir Brynja Dögg Ingólfsdóttir umhverfis- og skipulagsstjóri í síma 4708000 eða [brynja@hornafjordur.is](mailto:brynja@hornafjordur.is) eða Bartek Skrzypkowski byggingafulltrúi í síma 4708000 eða [bartek@hornafjordur.is](mailto:bartek@hornafjordur.is)



Sveitarfélagið Hornafjörður / Hafnarbraut 27 / S: 4708000 / [www.hornafjordur.is](http://www.hornafjordur.is)

### Lumar þú á áhugaverðu efni í Eystrahorn?

Við hvetjum þig til að senda okkur línu á [eystrahorn@eystrahorn.is](mailto:eystrahorn@eystrahorn.is)



Svalbarð 5 • Sími: 848-3933

Útgefandi: HLS ehf.  
Ritstjóri og  
ábyrgðarmaður: Tjörvi Óskarsson  
Netfang: [tjorvi@eystrahorn.is](mailto:tjorvi@eystrahorn.is)

Prófaralestur: Guðlaug Hestnes  
Umbrót: Tjörvi Óskarsson  
Prentun: Litlarent  
ISSN 1670-4126



# Ætlar amma að vera endalaust í skóla?

Guðleif Kristbjörg Bragadóttir  
fór með eftirfarandi ræðu  
í útskrift hjá Fræðsluneti  
Suðurlands þann 31. maí  
síðastliðinn:

Kæru verkefnastjórar,  
starfsfólk, nemendur og aðrir  
gestir.

Ég heiti Guðleif Kristbjörg  
Bragadóttir og útskrifast  
af Leikskólaliða- og  
stuðningsfulltrúabré. Ég  
stend hér fyrir hönd nema  
Fræðslunets Suðurlands  
á Hornafirði og vil nýta  
tækifærið til þess að  
þakka fyrir okkur. Árin  
hjá fræðslunetinu hafa  
verið mjög ánægjuleg. Við  
þökkum kennurum og öðru  
starfsfólki Fræðslunetsins  
kærlega fyrir samveruna og  
samvinnuna síðustu ár. Við  
höfum lært mikið og þroskast  
í okkar fögum, en einnig  
sem einstaklingar. Þið eigið  
stóran þátt í því og við erum  
afar þakklát.

Dagurinn í dag markar  
þáttaskil í lífi okkar nú er við  
útskrifumst. Sum okkar ætla í  
frekara nám, aðrir eru komnir  
með vinnu eða í vinnu. Okkur  
býðst nýtt upphaf og ný  
tækifæri. Þá er mikilvægt að  
setja sér ný markmið, staldra  
við og hugsa.

Ég hef einmitt verið að hugsa  
aðeins til baka og rifja upp  
minningar frá síðastliðnum



árum. Það eru bara 5 ár síðan  
ég byrjaði hjá Fræðslunetinu.  
Hófst þessi ganga haustið  
2017 á Fagnám í umönnun  
fatlaðra og útskrift vorid  
2018. Þá var búið að kveikja  
í mér námsáhugann aftur,  
eftir mörg ár og ekki aftur  
snúið, hvatning frá fyrrum  
yfirmanni og kynning frá  
Fræðslunetinu kom mér á  
bragðið og hélt ég ótraud  
áfram, um haustið 2018  
byrjaði ég í Félagsliðanámi  
og útskrifaðist ásamt  
fleirum sem Félagsliði vorid  
2020. Útskrift verður alltaf  
minnistæð, því hún var  
engin, einkunnir sendar í  
pósti, því eins og við flest  
vitum var Covid ástand. Lét

ég ekki staðar numið þarna,  
skellti mér á Leikskólaliða- og  
Stuðningsfulltrúabré haustið  
2020.

Síðustu 2 ár höfum við þegið  
mikið, nú er komið að okkur  
að gefa af okkur. Við höfum  
lært af vel menntuðum og  
lausnarmiðuðum kennurum.  
Hvað eiga bestu kennararnir  
sameiginlegt? Þeir gefa mikið  
af sér. Að vera gagnlegur  
er frískandi andsvar við  
sjálfelskum hugsunarhætti.  
Í stað þess að eyða orkunni  
í að hugsa allt út frá okkur  
sjálfum, þurfum við að víkka  
sjóndeildarhringinn. Horfa  
út fyrir okkar kassa og sjá  
fólkið og tækifærin í kringum  
okkur.

Ekki ætla ég að telja hér  
upp þau námskeið sem  
ég hef tekið aukalega hjá  
Fræðslunetinu. Ef það væri  
ekki til, stæði ég ekki hér.  
Þökk sé því.

Það er aldrei of seint að  
mennta sig, eða eins og eitt  
barnabarnið mitt sagði við  
foreldra sína: “Ætlar amma  
að vera endalaust í skóla?”  
Hver veit.

Ég hlakka til að takast á við  
næstu verkefni, vinna að  
nýjum markmiðum og sjá  
hvað framtíðin ber í skauti  
sér. Ég þakka ykkur öllum  
fyrir samferðina í gegnum  
námið. Gangi ykkur sem  
allra best og enn og aftur... til  
hamingju með daginn!



## Þakkir

Innilegar þakkir til allra sem sýndu  
okkur samúð, vináttu og hlýju við  
andlát og útför ástkærs bróður okkar og  
frænda

### Halldórs Vilhjálmssonar

Sérstakar þakkir sendum við starfsfólki  
Skjólgarðs fyrir góða umönnun og  
vináttu.



Guðbjörg og Heiður Vilhjálmsdætur  
systrabörn og fjölskyldur



## Frumherji

Bifreiðaskoðun á Höfn  
20., 21. og 22. júní.

Tímamantanir í síma 570-9090  
fyrir kl. 16:00 fimmtudaginn 16. júní.  
Næsta skoðun 11., 12. og 13. júlí.

## Frumherji

Þegar vel er skoðað

# Sveitarfélagið Hornafjörður óskar sjómönnum og fjölskyldum þeirra til hamingju með daginn



Sveitarfélagið  
**HORNAFJÖRÐUR**

Sveitarfélagið Hornafjörður | Hafnarbraut 27 | s: 470-8000 | [www.hornafjordur.is](http://www.hornafjordur.is)

## LOKSINS · LOKSINS · LOKSINS

### Vorsendingin okkar er loksins komin í hús

Nú eigum við öll garðhúsin okkar og minni gestahúsin til á lager - **Takmarkað magn**

FYRSTUR KEMUR - FYRSTUR FÆR - EKKI MISSA AF ÞESSU

[www.volundarhus.is](http://www.volundarhus.is)



GARÐHÚS 4,4m<sup>2</sup>



GARÐHÚS 4,7m<sup>2</sup>



GARÐHÚS 9,9m<sup>2</sup> án gólfs



GARÐHÚS 9,7m<sup>2</sup>



44 mm bjálki / Tvöföld nótun

GARÐHÚS 14,5 m<sup>2</sup>

50% afsláttur af flutningi á **GARÐHÚSUM og GESTAHÚSUM** á allar þjónustustöðvar Flytjanda.

**GESTAHÚS og GARÐHÚS** sérhönnuð fyrir íslenskar aðstæður

Sjá fleiri **GESTAHÚS og GARÐHÚS** á tilboði á heimasíðunni [volundarhus.is](http://volundarhus.is)

**volundarhus.is**

Vel valið fyrir húsið þitt

[volundarhus.is](http://volundarhus.is) · Sími 864-2400

Nánari upplýsingar á heimasíðu okkar [volundarhus.is](http://volundarhus.is) og í síma 864-2400.



[www.volundarhus.is](http://www.volundarhus.is)